

會稽典錄

四明張氏約園開雕

序

談會稽掌故者莫古於典錄顧其書不傳於今而時時稱引於它書裴松注三國志述之尤詳壽鏞嘗以叔寧著晉書五十六卷既不可得而湯氏球輯其殘佚得一卷竊欲師其意商諸馮君孟顓則以原書體例茫然未悉其緒雖從事編輯而猶未敢自信也孟顓忽於浙江圖書館書目見有輯本會稽典錄二卷卽馳書錄副以示壽鏞且曰體例極善勝於其自編者實多壽鏞因讀之凡它書稱引者略備尤重在人物體例較湯氏輯晉

會稽典錄序

一

四明叢書
約園刊本

書爲精與陶氏說邾所錄竊全書之名而寥寥數紙者相去遠矣考乾隆餘姚志云會稽典錄二十四卷明初尙有完書今失傳夫以二十四卷之書納之於二卷之中西爪東鱗彙成一帙若復其初者然吾知其難矣雖然此特人物中之七十二人耳叔寧之作其談山川景物朝章國故更有其粲然者在卽人物亦不止此安得一一蒐集之以成完書乎宋熙寧間孔郎中延之編會稽掇英總集自漢迄宋凡得銘志歌詩八百五篇大都由搜巖剔藪而來號稱精博於典錄僅采朱育之對餘

未及焉豈姚志所云典錄明初尙有完書未可信耶或
孔郎中好詩文而略於典故耶學者宜求真古書而真
古書不可多得得其一二矣烏可以其少而忽諸因刻
周君所輯會稽典錄二卷周君樹人字豫材世稱魯迅
先生云民國二十六年十月張壽鏞

隋書經籍志會稽典錄二十四卷虞預撰舊唐書經籍志新唐書藝文志同預字叔寧餘姚人本名茂犯明帝穆皇后諱改初爲縣功曹見斥太守庾琛命爲主簿紀瞻代琛復爲主簿轉功曹史察孝廉不行安東從事中郎諸葛恢參軍庾亮等薦預召爲丞相行參軍兼記室遭母憂服竟除佐著作郎大興中轉琅邪國常侍遷祕書丞著作郎咸和中從平王含賜爵西鄉侯假歸太守王舒請爲咨議參軍蘇峻平進封平康縣侯遷散騎侍郎著作如故除散騎常侍仍領著作以年老歸卒於家

會稽典錄

序

一 四明叢書
約園刊本

撰晉書四十餘卷會稽典錄二十篇見晉書本傳典錄宋史藝文志已不載而宋人撰述時見稱引又非出於轉錄疑民間尙有其書後遂湮昧今搜緝逸文尙得七十二人略依時代次第析爲二卷有慮非本書者別爲存疑一篇附於末周樹人識

會稽典錄目錄

卷上

范蠡

計倪

宋昌

鄭吉

陳囂

嚴光

鍾離意

鄭弘

盛吉

孟英

孟嘗

梁宏

鄭雲

謝夷吾

會稽典錄目錄

四明叢書
約圖刊本

董昆

王充

趙曄

董黯

高豐

任光

黃昌

王修

楊喬

戴就

周規

陳脩

沈勳

淳于翼

魏朗

陳業

駱俊

陳官

虞國

虞歆

盛憲子匡

徐弘

陳瑞

魏徽

皮延

伍賤

張京

卷下

周昕

周喁

丁覽子固

徐陵子平

虞翻

虞汜

會稽典錄目錄

二四明叢書
約園刊本

虞忠

虞聳

虞昺

賀齊子達景

闕澤

吳範

魏勝

謝承子崇猷

任奕

虞俊

邵員

謝淵兄咨

鍾離牧子盛徇

卓恕

朱育

賀劭

夏方

夏香

張立

朱朗

唐庠

張諛

虞倫

曹娥

孟淑

彭山

驃騎山

女几山

散句

存疑

陳巖

沈豐

賀純

沈震

會稽典錄

目錄

三四明叢書

總圖刊本

囊讀表世期三國志注徵引會稽典錄事蹟奇特

文章淵懿心好之顧其書亡之久矣金谿王謨漢

唐地理書鈔列有此目訪之未獲旋於說郛中得

十一則其見裴氏注者多遺之擬手輯一本以備

諷誦姑就聞見鈔得五十餘則人事牽帥未皇廣

續比於浙江圖書館傳寫周樹人編本會稽典錄

二卷存疑一卷

會稽故書
雜集本

搜集廣博編次精審遠

非拙著所能及惟其所據書本頗有訛奪不揣固

陋以元大德本三國志宋本太平御覽及唐宋類

書略校一過計補文四十有八校正文三十有五
刪文十二爲補其目志傳於首捉筆記之民國二
十六年一月二十四日慈谿馮貞羣

會稽典錄

目錄

四

四明叢書
約園刊本

會稽典錄卷上

晉虞 頊叔寧撰

紹興 周樹人輯

范蠡

范蠡字少伯越之上將軍也本是楚宛三戶人越絕外傳紀策

攷云生於宛被髮二字御有佯狂倜儻負俗文種為宛令

游三戶之里下車謁蠡蠡不為禮種還館復遣使奉謁

蠡默而不言已上六句史記正義引作吏還曰范蠡本

國狂人生有此病種笑曰吾聞士有賢俊書鈔御覽引

會稽典錄卷上

一四明叢書
約圖刊本

之資必有佯狂之譏內懷獨見之明外有不知之毀此

固非二三子之所知也駕車而往蠡避之後知種之必

來謁謂兄嫂曰今日有客願假衣冠有頃種至抵掌而

談越絕外傳記范伯云謂大夫種曰三王則三皇之苗

裔也五伯乃五帝之末世也天運歷紀千歲一至黃

帝之元執辰破已霸王之氣見旁人觀者聳聽之矣史

於地戶子胥以是挾弓干吳王吳王使王孫雄謂范蠡曰子先人有言曰無助天為虐

助天虐者不祥今吾稻蟹無遺種子將助天為虐不忌

其不祥乎御覽四百九十二

計倪

越王近侵於強吳遠愧於諸侯乃脅諸臣而欲與之盟

吾欲伐吳奈何而有功羣臣未對王曰夫主憂臣辱主

辱臣死何大夫易見而難使者計倪官卑年少其居在

後舉手而起曰殆哉非大夫易見難使是大王原作大

絕外傳夫據越不能也王曰何謂也倪曰夫官位財幣王之所

輕死者士之所重也王愛所輕責人所重也豈不難哉

御覽四百六十九 史記貨殖列傳集解云徐廣曰計

然者范蠡之師名研又索隱云吳越春秋謂之計倪漢

書古今人表計然列在第四則倪之與研是一人聲相

近而相亂耳案意林引范子云計然者葵丘濮上人姓

辛名文子少而明學陰陽見微知著不肯自顯諸侯陰

所利者七國天下莫知故稱曰計然時邀遊海澤號曰

漁父范蠡請見越王計然曰越王為人烏喙

不可與同利也未嘗仕越與計倪慮非一人

昌宋義孫也 史記孝文本紀索隱 案史惠景閒侯者

東以都尉從之榮陽食邑以代中尉勸代王入驂乘至

代邸王卒為帝功侯千四百戶詳見孝文本紀又林寶

元和姓纂云宋昌為漢 中尉始居西河介伏

會稽東錄 卷上

四明叢書

鄭吉

漢書本傳云會稽人今案會稽山陰人也范曄後

漢書鄭弘傳注引謝承書云弘曾祖父本齊國臨

淄人官至蜀郡屬國都尉武帝時徙強宗大姓不得族

居將三子移居山陰因家焉長子吉雲中都尉西域都

護既破車師降日逐威鎮西域遂并護車師以西北道故號都護都護之置自吉始焉上嘉其效乃下詔曰都護西域騎都尉鄭吉撫循外蠻宣明威信功效茂著其封吉爲安遠侯

御覽二百

陳囂

陳囂字子公山陰人也

御覽四百十五

囂與昆

一作明

紀伯爲鄰伯夜竊囂地自益囂見之伺伯

去後密拔其藩一丈以益伯伯覺之慚懼既還所侵又卻一丈太守周府君高囂德義刻石旌表其閭號曰義

會稽典錄

卷上

三四明叢書

約園刊本

里

御覽一百五十七又四百九十一

同郡車嫗年八十餘無子慕囂仁義欲求寄命囂以車嫗有財未敢便許乃咨於長者長者僉曰甚宜囂遂迎嫗朝夕定省如其所親出家財以供肴膳嫗以壽終囂殯斂畢皆免其奴令守嫗墓財物付與嫗内外衣服不入殯者以值柳中制服三月由是著名流稱上國矣

御覽

四百十五

宗正劉向黃門侍郎揚雄薦囂待義可厲薄俗孝成皇帝特以公車徵囂時年已七十每朝請上每待以館傳

終
之禮御覽四百七十四書鈔五十六引謝承書云賜
几杖入朝不趨贊事不名以病乞骸骨以大夫位

嚴光

嚴光一名遵御覽四百九十八字子陵與世祖俱受業長安御覽

九十引作建武六年下詔徵遵御覽九十引云建武元

受學結好九引作年徵光玉海一百五十

五年設樂陽明殿命宴會論故舊累日拜為諫議大

夫二句據御覽九十又莫留宿遵以足荷上御覽引作

四百九十八引補上其夜客星犯天子座甚急二字御覽引有明旦太史以聞上

曰此無異也昨夜與故人二字御覽引有嚴子陵俱臥耳藝文書

鈔十一又
一百五十

光武嘗出南郊嚴遵曳長裾持鹿扇住立不動天子下

車揖而別御覽四百七十四

鍾離意

郡署意范曄書本傳云北部督郵烏程男子孫常常弟

烈分居各得田半頃烈死歲飢常以稍米粟給烈妻子

輒追計值作券沒取其田烈兒長大訟掾史議皆曰烈

孫男兒遭飢常賴升合長大成人而更爭訟非順孫也

意獨曰常身為伯父當撫孤弱是人道正義稍以升合

券取其田懷姦挾私貪利忘義烈妻子雖以田與常困迫之至非私義也請常俾烈妻子於是眾議無以奪意

之理

御覽六百三十九

意爲堂邑令縣民虜廣

范書云防廣

爲報父仇繫獄其母病

死虜廣痛之號泣於獄意爲之悽惻出廣見之曰今欲

出若歸家殯斂有義則還無義則已丞掾諫以爲不可

意曰不還之罪令自受之廣臨殯畢卽自詣獄以狀表

上詔減死一等

御覽六百四十三初學記二十

意爲尙書僕射時匈奴有降者詔賜縑三百匹尙書郎

會稽輿錄

卷上

五十四明鑑書

約園刊本

暨鄧誤以三千匹賜之上大怒鞭鄧殿下重痛時死意

直排閣入諫曰陛下德被四表恩及夷狄是以左衽之

徒稽首來服愚聞刑疑從輕賞疑從重今陛下以鄧賞

誤發霆電之威海內謂陛下貴微財而賤士命也

御覽六百四十九

四十九

書鈔五十九引意別傳云明帝以意陳合大義恚損怒霽赦太官掾賜酒藥詔謂意曰非鍾離尙書

朕幾誤降威於此郎

鄭弘

鄭弘字巨卿

御覽四百三傳云字巨卿山陰人

范書本

弘爲縣宰又

當作靈文

鄉嗇夫太守第五倫見弘問民之得

失深異之也

書鈔七十九

弘爲靈文鄉嗇夫

一作守陽羨君

鄉民有弟用兄錢者爲嫂所

責未還嫂詣弘訴之弘賣中單

原注卽今之汗衫也

爲叔還錢兄

聞之慚愧自繫於獄遣其婦

一作婢

齎錢還弘弘不受御覽

四百三又六百九十一又四百九十一

弘爲郡督郵上計吏時計掾句章任尙居素溫富乘鮮

車駕肥馬弘恆在後尙輒罵弘無愠容弘尙在京師游

學還郡俱見府君府君所問弘無不對而尙不知出又

問弘掾行道數相折辱何以不答弘謝曰過奉顯使無

會稽典錄

卷上

六十四明叢書

約園刊本

光國之美馬羸行遲掾恐失期賀以相催促自是其宜

愚聞兩虎共鬪大者必傷小者必死兩爲無益故不敢

答府君歎曰此謂長者太守不能也

御覽四百三

弘爲鄒令魯國當春霜隕殺物鄒縣獨無霜也

書鈔七十八

永平十五年蝗發泰山郡國被害過鄒不集郡以狀上

詔書以爲不然自朕治京師尙不能攘蝗鄒令何人而

令消弭遺案驗之

藝文一百 范書本傳注引 謝承書云遺使案行如言也

鄭弘遷臨淮太守

范書本傳云遷淮陰太守劉攽曰漢無淮陰當是淮陽時未爲陳國也惠棟後漢書補注九云虞預樂史皆云弘爲臨淮太守劉攽臆說以爲當作淮陽非也今案藝文類聚九十五引

效臆說以爲當作淮陽非也今案藝文類聚九十五引

謝承書亦作臨淮也

郡民徐憲在喪致哀白鳩巢戶

御覽作廬側弘舉

爲孝廉朝廷稱爲白鳩郎

藝文九十二御覽九百二十一

弘拜尙書令

原舉此字據范書本傳補

舊典郎秩滿補縣長令史

爲丞尉弘奏以爲臺職位尊而賞薄人無樂者請使郎

補縣令令史爲長

二字御覽引作房

上從其議自此爲始

藝文四十八御覽二百一十二

盛吉

盛吉字君遠山陰人司徒虞延辟西曹掾時隴西太守

鄧融以賊罪徵詣廷尉前後攷驗歷不服明帝下三府

會稽典錄卷七

四明叢書約圖刊本

遺精能掾吏更就彈劾吉到詔獄但敕主者供湯沐飲

食不去問事明日復往解融桎梏安徐以情實告君若

無賊強見誣枉宜具列辭當相仲理如審有罪不得誣

罔國家融感吉意卽移辭首服

御覽六百四十二

吉歷司徒職方拜侍御史一月而遷中丞

書鈔六十二

盛吉拜廷尉吉性多仁恩

書鈔引作性仁多恩

務在哀矜每至冬

月罪囚當斷夜省刑狀其妻執燭吉手持丹筆夫妻相

向垂泣

已上亦見書鈔三十九御覽二十

妻常謂吉曰

君爲天下執法不可使一人濫罪

已上亦見藝文四十一御覽二百四十一

又六
百四
殃及子孫所當平決若無繼嗣吉令其妻妾得入
經營使有遺類視事十二年天下稱其有恩
御覽二百三十一又
四百九初
學記十二

孟英

孟英字公房上虞人爲郡掾吏王憑坐罪未應死太守
下縣殺憑憑家詣闕稱冤詔書下州檢拷英出定文書
悉著英名楚毒慘至辭色不變言太守病不關眾事英
以冬至日入占病因竊印以封文書下縣殺憑非太守
意也繫歷冬夏骨肉皆消爛遂不食而死
御覽四百二十一

會稽典錄

卷上

八

四明叢書
約園刊本

孟嘗

孟嘗
案嘗字伯周上虞人范書循吏篇有傳仕郡戶曹史上虞有寡婦雙

養姑至孝姑卒病亡其女言縣以雙殺其母縣不斷理
結竟言郡郡報治罪嘗諫以爲此婦素名孝謹此必見
誣固諫不聽遂具獄文書哭於府門後郡遭大旱三年
上虞尤甚太守殷丹下車訪問嘗具陳雙不當死誅姑
女改葬孝婦丹如言天應時雨注
御覽六百四十五

梁宏

梁宏句章人也太守尹興召署主簿是時楚王英謀反

妄疏天下牧守謀發與在數中徵詣廷尉宏與門下掾
陸續等傳攻詔獄掠毒慘至辭氣益壯

御覽六百四十九

鄭雲

雲字仲興句章人也學韓詩公羊春秋爲主簿後以劉

雋事獄死郡以狀聞旌表門閭

乾道四明圖經五寶慶四明志八案圖經又

云雲與梁宏皆爲主簿俱敦終始之義州里稱之蓋本朱育述虞仲翔對王景興語當在育傳

謝夷吾

謝夷吾字堯卿山陰人也

御覽六百三十九案夷吾范書方術篇有傳

夷吾爲郡功曹吏太守第五倫妻車馬入府無所闕啓

會稽典錄

卷上

九

四明叢書約圖刊本

夷吾鞭功曹佐吏門闌卒牽輿馬出之收其人從倫爲

解之良久乃已

御覽六百四十九

爲荊州刺史行部到南魯縣遇孝章皇帝巡狩幸魯陽

上未見刺史班秩有詔敕夷吾入傳錄囚徒見長吏勿

廢舊儀上臨西廂南面夷吾處東分推以其事夷吾省

錄囚徒有亭長奸部民妻者縣言和奸上意以爲吏劫

一作奸

民何得言和觀刺史決當云何頃

一作須臾

夷吾呵之

曰亭長詔書朱愼之吏職在禁奸今爲惡之端何得言

和切讓三老孝弟

一作長吏

亭長罪其所決正一縣三百餘

事與合章帝歎曰使諸州刺史盡如此者朕不憂天下矣特遷鉅鹿太守臨發陛見賜車馬劔帶敕之曰鉅鹿劇郡舊爲難治以君有撥煩之才故特授任無毀前功

御覽六百三十九

又二百五十八

夷吾轉下邳令預自剋死日如期果卒救其子曰漢末

當

原作嘗據范書本傳改

亂有發掘露體之禍使縣棺下葬墓不

起墳

御覽五百五十六

董昆

董昆字文通餘姚人也少游學師事潁川荀季卿受春

會稽典錄

卷上

十四

四明叢書約圖刊本

秋治律明達理法又才能撥煩縣長潘松署功曹史刺

史盧

當作虞

孟行部垂念冤結松以孟明察於法令轉署

昆爲獄史孟到昆斷正刑法甚得其平孟問昆本學法

令所師爲誰昆對事荀季卿孟曰史與刺史同師孟又

問昆從何職爲獄史松具以實對孟歎曰刺史學律猶

不及昆召之署文學

御覽六百三十八

昆遷廷尉卿持法清峻閉門不發私書

書鈔五十三御覽二百三十一

王充

王充字仲任

范書本傳云上虞人

爲兒童不好狎侮父誦奇之七

歲教書數

御覽三百八十五

趙曄

趙曄字長君山陰人也

案曄有傳在范書儒林篇

少爲縣吏舉檄迎

督郵曄甚恥之由是委吏到健爲詣博士杜撫受韓詩

撫嘉其精力盡以其道授之積二十年不還家人爲之

發喪制服至撫卒曄經營葬之然後歸家

御覽五百五十六

董黯

董黯字孝治句章人家貧採薪供養得甘果奔走以獻

母母甚肥說鄰人家富有子不孝母甚瘦小不孝子疾

會稽典錄卷上

十二

四明叢書約圖刊本

黯母肥常苦辱之黯不報及母終負土成墳烏獸助其

悲號喪竟殺不孝子置冢前以祭詣獄自繫會赦得免

御覽三百七十八又四百八十二藝文三十三寶慶

四明志八云董黯字叔遠仲舒六世孫也事母孝母疾

嗜句章谿水遠不能常致黯遂築室谿濱版輿就養厥

疾乃塗比鄰王寄之母以風寄寄忌之伺黯出辱其母

黯恨入骨母死慟切枕戈不言一日斬寄首以祭母自

白於官奏聞和帝詔釋其罪且旌異行召拜郎中不就

由是以慈名谿以董孝名鄉今子城東南有廟舊志謂

高豐

即其故居則黯本鄞人也虞翻謂爲句章人據其徙居

慈谿言之案乾道四明圖經有唐崔殷撰

董君禍不及此詳羅璋所言未測其本矣

高豐字文林爲鄞縣獄刺史虞孟行部到旬日鄞縣僻

敕鄧長將囚徒就所在錄見林被文書閉獄下篇不肯
送徒自請見曰明使君乘法駕駢驂銜命理冤當縣縣
而至今乃遙召囚徒欲省更煩蓋普天之下莫非王土
率土之濱莫非王臣鄧縣非漢地乎囚徒終不出縣特
望朱軒迴輪向鄧孟遂到鄧

御覽六百四十三

任光

光字景昇鄧人爲縣主簿時海賊作孽縣令朱嘉將吏
人出戰於海渚爲賊所射傷賊突嘉前光往以身障蔽
力戰死嘉獲免

寶慶志有
此二字

還邑出俸厚葬之

乾道四明
圖經五寶

會稽典錄

卷上

十三四明叢書

約園刊本

慶四明
志八

黃昌

黃昌

案昌字聖真餘姚人
范書酷吏篇有傳

爲蜀郡太守密捕得盜師一

人悉使疏諸縣強盜密往捕錄其諸小盜皆原其死謫
作棧道以代民役由是道不拾遺獄至連年無有重囚

御覽六百
四十三

初昌爲州書佐婦寧於家遇賊遂流轉入蜀爲民妻其
子犯法乃詣昌昌疑不類蜀人因問所由對曰妾本會
稽餘姚戴次公女州書佐黃昌妻也嘗歸家爲賊所略

遂至於此昌驚呼前謂曰何以識黃昌曰昌左足心有
黑子常言當爲二千石乃出足示之相持悲泣還爲夫
妻御覽三百七十二通典八十九虞珍議引風俗通云黃昌爲蜀郡太守得所失婦便爲正室使後婦下

王修

修句章人也仕順帝時爲揚州從事圖經引作漢安軍二年爲鄞縣令軍

變殺歷陽太守伊曜范書冲帝紀云建康元年揚州刺史尹耀九江太守鄧嶼討賊范谷

等於歷陽軍敗權顯爲賊所殺修誓眾奔入賊營取曜尸葬之人服其

義寶慶四明志入乾道四明圖經五

會稽典錄卷上

十三四明叢書

新圖刊本

楊喬

楊喬案喬字聖達烏傷人見范書楊璇傳注爲右丞書鈔六十引謝承書云拜尚書侍郎轉左

丞謂南宮取急案條閣舊事於覆道中逢太常辛柔作

羊柔據通典改不避車喬糾奏柔以爲知丞卽應行威儀有敘

九列外官而公干犯請廷尉治柔罪詔勿治以三月俸

贖罪御覽六百五十一

楊喬上諫曰臣聞之曾子扣舷易水魚聞入淵鳥驚參

天書鈔一百三十七

戴就

薛安爲揚州從事戴就字景成會稽上虞人案就有傳在范書獨

行爲倉曹掾受贓穢刺史歐陽操遣安檢治拷覆取實

安乃收就拷訊五毒案范書本傳云就仕郡倉曹掾揚州刺史歐陽參奏太守成公浮臧

罪遣部從事薛安案倉庫簿領收就於錢塘縣獄幽囚考掠云云御覽剛節過當失其本末乃以鍼

刺就十手指甲使令爬土又燒鐵范書云令赤使挾之

肘腋肉焦爛墮地就乃取而食之終無款伏安乃覆就

於船兩頭燒馬糞於船熏之火滅謂就已死發船視之

乃張目謂其主者曰公何不益糞添火而使絕之何也

主者乃報安安大驚遂引就共坐談論乃解其事耳御覽

會稽典錄 卷上

十四 西明叢書 約園刊本

六百四十九引後漢書未注云會稽典錄又載

周規

周規字公圓餘姚人三字見書太守唐鳳命爲功曹鳳

中常侍衡之從兄恃中官專行貪暴規諫明府以負薪

之才受剖符之任所謂力弱載重不惟顛蹶方今聖治

在上不容秕政明府以教人之職行桀紂之暴鳳怒縛

規筆於閣內鳳後果以檻車徵御覽四百九十三

規爲臨湘令長沙太守丹陽徐祝御覽二百六十六引華嶠後漢書作程徐

今案當作抗徐范書桓帝紀注引謝承書云抗徐字伯徐丹陽人少爲郡佐史持遷長沙太守二月行

縣以草穢敕除道路規以妨農作時損夫力拒而不聽
徐以責督郵規遂棄官而去書鈔三十七又三十二
華嶠書又云徐憺然有愀
色遺功曹齋印綬檄書謝請還規謂功曹
曰程府君愛馬蹶不重民力徑逝不顧

陳脩

陳脩一作修字奉遷書鈔
作道烏傷人少爲郡幹受韓詩穀梁

春秋家貧爲吏常步儻上下恆食乾糲每至正臘僵臥

不起同僚以飲食請不肯往書鈔引作同僚
飲食度起不往其志操如

此御覽三百九十三又三十三書鈔三十八兩
引又一百四十六又一百五十五藝文十五

遷豫章太守性情潔恭儉十日一炊不然官薪御覽四
百三十

會稽典錄

卷上

十五四明叢書

約園刊本

一書鈔計月受俸受米不受錢也書鈔三十五
又七十五廳事席

薦編絕不改布被覆形簞瓢蔬食書鈔三
十八以郡風俗不

整常卷坐席唯徐穉李贄數詣問乃待以殊禮御覽七
百九

應廷有金華先民傳云遷合浦太守大著
治聲卒於官舍合浦民懷其惠護喪歸葬

沈勳

沈勳身自耕耘以供衣食人有盜穫其禾勳見而避之

明日夜更收拾送致其家盜者慚懼齋還不受御覽四
百九十

一又八百
三十九

淳于翼

淳于翼字叔通除洛陽市長桓帝卽位有大蛇見德陽殿上翼占曰以此蛇有鱗甲兵之應也

開元占經一百二十
續漢書五行

志注引干寶搜神記云桓帝卽位有大蛇見德陽殿上
維陽市令淳于翼曰此有鱗甲兵之象也見於省中將
有椒房大臣受甲兵之誅也乃其官遁去到廷
熹二年誅大將軍梁冀捕治宗屬揚兵京師也

魏朗

魏朗字少英上虞人

案朗范書
在黨錮傳

少爲縣吏兄爲鄉人所

殺朗白曰操刀報讎於縣中遂亡命到陳國從博士卻仲信學春秋圖緯又詣太學受五經京師長者李膺之徒爭從之

御覽四百
八十三

會稽典錄

卷上

十六四明鏡書

約圖刊本

朗從太守行春寢於閣外感時志激中夜長歎府君朝問昨歎息者誰主簿曰書佐魏朗也府君由是知朗有凌雲之志轉功曹佐正且與掾史上朝時功曹史顧翕

一作翕書
鈔作吳翕

被裘以加朝服朗以裘非臣服非翕不敬敕

卒撤去翕恚而不聽以手毆卒朗右手鳴鼓左手撒裘以聞府君曰朗當朝正色有不撓之節遂退翕以朗代

之朗辭病不就

御覽二百六十四又六
百九十四書鈔三十七

靈帝卽位賀武陳蕃等欲誅宦官謀泄反爲所害朗以黨被徵乃慷慨曰丈夫與陳仲舉李元禮俱死得非乘

龍上天乎於丹陽牛渚自殺海內列名八俊

御覽四百三十八

陳業

陳業少特操沛國桓儼當世英俊避地會稽聞業高節欲與相見終不獲後儼浮海南入交州臨去遺書與業

不因行李以係山陰白樓亭柱

二字據水經漸江水篇注補

曰從容

養高動靜履直季世多艱爰適樂土側聞高風飢渴話言知乃深隱邈然終時求仁斯得勤而無憾齊蹤古賢

何其優哉

藝文三十一

駱俊

會稽東錄

卷上

七十四明叢書

約園刊本

駱俊字孝遠烏傷人

吳志駱統傳注引謝承書云俊有文武才幹少爲郡吏察孝廉補尙

書郎孝靈皇帝擢拜陳相汝南葛陂盜賊並起陳與接壤

四面受敵俊厲吏民爲之保障出倉見穀以贍貧民鄰

郡士庶咸往歸之身損俸祿給其衣食民產有子常赦

主者厚致米肉生男女者輒以駱爲名

御覽二百四十八又四百四十

七書鈔五又三十九

謝承書又云後袁術軍眾飢困就俊求糧俊淡惡術初不應答術怒密使人殺俊

陳宮

上見天子郡郎制曰文左武右陳宮乃正中立上問此何郡郎不從行詔對曰有文有武未知所如又問何施

答曰文爲顏氏春秋武爲孫吳兵法上擢拜大夫

書鈔五十一

六

虞國

虞國字季鴻御覽引有此少有孝行爲日南太守行惠

政事類賦注十常有雙鴈宿止廳事上每出行輒飛逐

車既卒於官鴈逐喪還至餘姚住墓前歷三御覽引年

乃去藝文九十一御覽九百十七案書鈔七十五引

謝承書有虞因又有虞國乾道四明圖經寶慶四

明志有陳國俱云遷日南太守並是一人因轉寫而誤

太平寰宇記一百七十一云會稽虞詔爲日南太守卽

翻之父也身死歸鄉有雙鴈隨棺至會稽樓於墓三年

乃去則又以爲虞欲案水經江水篇注云官倉卽日南

會稽典錄 卷上 五十四 明叢書 約園刊本

太守虞國舊宅號曰西虞以其兄光居縣東故也是

虞歆

虞歆元和姓纂云秦有虞香香十四代孫意自東郡徙

初立易注奏上曰臣高祖父故零陵太守光少治孟氏

易曾祖父故半輿令成續述其業至臣祖父鳳爲之最

密臣亡考故日南太守字文肅侯康三國志補注續云

歆受本於鳳最有舊書字文肅侯康三國志補注續云

吳文虞文繼砥礪清節耽學好古虞仲翔能負折薪文

選吳都賦注又作文秀今案曾子問祝聲三鄭氏注云

意歆警神也歷郡守節操高厲魏曹植爲東阿王東阿

則作肅近之歷郡守節操高厲魏曹植爲東阿王東阿

先有三十碑銘多非實植皆毀除之以歆碑不虛獨全

馬書鈔一
百二

盛憲子匡

盛憲字孝章

五字亦見文選陳孔璋檄吳將校部曲文李善注引初爲臺郎常出

游逢一童子容貌非常憲怪而問之是魯國孔融融時

年十餘歲憲下車執融手載以歸舍與融談知其不凡

便結爲兄弟因升堂見親憲自爲壽以賀母母曰何賀

憲曰母昔有憲憲今有弟家國所賴是以賀耳融果以

英才煒豔冠世

御覽五百四十二又四百九又四百四十四書鈔八十五

憲器量雅偉舉孝廉補尙書郎稍遷吳郡太守以疾去

官孫策平定吳會誅其英豪憲素有高名策深忌之初

會稽典錄

卷上

九十四明叢書

約園刊本

憲與少府孔融善融憂其不免禍乃與曹公書曰歲月

不居時節如流五十之年忽焉已至公爲始滿融又過

二海內知識零落殆盡惟

文選有有字

會稽盛孝章尙存其

人因於孫氏妻孥湮沒單子獨立孤危愁苦若使憂能

傷人此子不得復

選無此字

永年矣春秋傳曰諸侯有相滅

亡者桓公不能救則桓公恥之今孝章實丈夫之雄也

天下譚士依以揚聲而身不免於幽執

選作

命不期於

旦夕是

選無此字

吾祖不當復論損益之交而朱穆所以絕

交也公誠能持

選作

一介之使加咫尺之書則孝章可

致友道可弘也

選作矣

今之少年喜誇前輩或能譏平孝

章孝章要爲有天下大名九牧之民所共稱歎燕君市

駿馬之骨非欲以騁道里乃當以招絕足也惟公匡復

漢室宗社將絕又能正之正之之術實須得賢珠玉無

脛而自至者以人好之也況賢者之有足乎昭王築臺

以尊郭隗雖小才而逢大遇竟能發明主之至心故

樂毅自魏往劇辛自趙往鄒衍自齊往嚮使郭隗倒縣

而王不解臨渴

選作難

而王不拯則士亦將高翔遠引莫

有北首燕路者矣凡所稱引自公所知而復

據文選補

有云

會稽典錄

卷上

二十四明叢書

約園刊本

者欲公崇篤斯義也

選無此字

因表不悉由是徵爲騎

選注無此

字都尉制命未至果爲權所害子匡奔魏位至征東司

馬

吳志孫紹傳注文選孔文舉論盛孝章書並注

徐弘

徐弘字聖通爲汝陰令縣俗剛強大姓兼并弘到官誅

翦

藝文引作鋤

姦桀豪右斂手商旅路宿道不拾遺童

藝文作民

歌之曰徐聖通政無雙

藝文云爲汝陰

平刑罰姦宄室

御覽二百六十

八藝文
十九

弘爲右扶風都尉家無餘產妻子紡績衣弊履空鄉人

嘉其高操書鈔三十八

陳瑞

陳瑞字文象世御覽引爲縣卒瑞謙恭敬讓行惟敬謹

及其居二千石九卿位少年童豎拜者皆正朝服與之

抗禮若疾病不能答拜輒拊額以謝之初學記十七御覽四百二十三

魏徽

魏徽字孔章三字書鈔引無仕郡爲功曹吏府君貴其名已上亦見

書鈔七十七重徽每拜謁常跪而待之御覽六百二十四

皮延

會稽典錄卷上

三四明鏡書
約圖刊本

皮延字叔然會稽山陰人養母至孝居喪有白鳩巢廬

側遂以喪終藝文九十二御覽九百十七作終喪

伍賤

餘姚伍賤字士微父爲倉監失其官穀簿領罪至於死

賤爲執算檢校相當由是見異號爲神童御覽三百八十五

張京

張京從戎西州軍罷還歸各給牛車京同里寡母與三

子從軍子各物故見京還不能自致悲傷歔歔京所載

之所字牛羸道死京入轅引輓妻子單步御覽四百二十一

會稽典錄卷上

會稽典錄卷上

三十四明鏡書
約圖刊本

會稽典錄卷下

晉虞 預叔寧撰

紹興 周樹人輯

周 昕

昕字大明

文選陳孔璋檄吳將校部曲文云周泰明當世儁彥德行脩明

少游京師師

事太傅陳蕃博覽羣書明於風角善推災異辟太尉府

舉高第稍遷丹陽太守曹公起義兵昕前後遣兵萬餘

人助公征伐袁術之在淮南也昕惡其淫虐絕不與通

吳志孫靜傳注靜傳云孫策定諸縣進攻會稽太守王朗拒於固陵策用靜說分軍夜襲高遷屯朗遣故丹

會稽典錄

卷下

一

四明叢書 約園刊本

陽太守周昕等帥兵前戰策破昕等斬之

周 囦

初曹公興義兵遣人要囦

吳志孫堅傳注云囦字仁明周昕之弟也囦即收

合兵眾得二千人從公征伐以為軍師後與堅爭豫州

屢戰失利會次兄九江太守昂為袁術所攻囦往助之

軍敗還鄉里為許貢所害

吳志孫堅傳注案魏志公孫瓚傳云術遣孫堅屯陽城

拒卓紹使周昂奪其處范書瓚傳又作周昕吳志孫靜傳注引獻帝春秋云袁術遣吳景攻昕未拔景乃募百姓敢從周昕者死不赦昕曰我則不德百姓何罪遂散

兵還本郡今據典錄所記並為周囦蓋囦兄弟三人皆與孫氏為敵故諸書記

錄往往不能辨析也

丁覽子固

覽字孝連案覽山陰人見吳志虞翻傳八歲而孤家又單微清身立

行用意不苟推財從弟以義讓稱仕郡至功曹守始平長爲人精微潔淨門無雜賓孫權深貴待之未及擢用會病卒甚見痛惜殊其門戶覽子固字子賤本名密避隙密改作固固在襁褓中閻澤見而異之曰此兒後必至公輔固少喪父獨與母居家貧守約色養致敬族弟孤弱與同寒溫翻與固同僚書曰丁子賤塞淵好德堂構克舉野無遺薪斯之爲懿其美優矣令德之後惟此

會稽典錄

卷下

一四明叢書
約圖刊本

君嘉耳歷顯位孫休時固爲左御史大夫孫皓卽位遷司徒皓悖虐固與陸凱孟宗同心憂國年七十六卒吳志

虞翻傳注注又云子彌字欽遠仕晉至梁州刺史孫譚光祿大夫

徐陵子平

徐陵字元大案陵太末人見吳志虞翻傳歷三縣長所在著稱遷零

陵太守時朝廷俟以列卿之位故翻書曰元大受上卿之位叔向在晉未若於今其見重如此陵卒僮客土田

或見侵奪駱統爲陵家訟之求與丁覽卜清當作靜吳志顧邵傳

注引吳錄云卜靜字玄風吳郡人終於剡令等爲比權許焉陵子平字伯先

童龔知名翻甚愛之屢稱歎焉諸葛恪爲丹陽太守討山越以平威重思慮可與效力請平爲丞稍遷武昌左都督傾心接物士卒皆爲盡力初平爲恪從事意甚薄及恪輔政待平益疏恪被害子建亡走爲平部曲所得平使遣去別爲他軍所獲平兩婦歸宗敬奉情過平厚其行義敦篤皆此類也

吳志虞翻傳注

虞翻

吳志本傳云字說曷本傳注引吳書云策薊權統事

烏程整帥吏士欲取會稽會稽聞之使曰討逆明府不

民守城以俟嗣主之命因令人告諭曷

會稽東錄

卷下

三四明叢書約園刊本

竟天年今攝事統眾宜在孝廉翻已與一郡吏士嬰城固守必欲出一旦之命爲孝廉除害惟執事圖之於是

曷退

吳志本傳注

虞汜

汜字世洪

吳志虞翻傳云翻有十一子第四子汜最知名

生南海年十六父卒

還鄉里孫綝廢幼主迎立琅邪王休休未至綝欲入宮圖爲不軌召百官會議皆惶怖失色徒唯唯而已汜對曰明公爲國伊周處將相之位擅廢立之威將上安宗廟下惠百姓大小踴躍自以伊霍復見今迎王未至而

欲入宮如是羣下搖蕩眾聽疑惑非所以永終忠孝揚名後世也縑不懌竟立休休初卽位犯與賀邵王蕃薛瑩俱爲散騎常侍以討扶殿功拜交州刺史冠軍將軍餘姚侯尋卒

吳志虞翻傳注

虞忠

忠字世芳翻第五子貞固幹事好識人物造吳郡陸機於童亂之年稱上虞魏遷於無名之初終皆遠致爲著聞之士交同縣王岐於孤宦之族仕進先至宜都太守忠乃代之晉征吳忠與夷道監陸晏弟中夏督京堅

會稽典錄

卷下

四四明叢書

約園刊本

守不下城潰被害

吳志虞翻傳注思奧晉陽秋稱清貞有檢操外如退

注又云忠子潭字

弱內堅正有膽幹仕晉歷位內外終於衛將軍追贈侍中左光祿大夫開府儀同三司

虞聳

聳字世龍翻第六子也清虛無欲進退以禮在吳歷清官入晉除河閒相王素聞聳名厚敬禮之聳抽引人物務在幽隱孤陋之中時王岐難聳以高士所達必合秀異聳書與族子察曰世之取士曾不招未齒於巨圍索良才於總猥所譽依已成所毀依已敗此吾所以歎息也聳疾俗喪祭無度弟曷卒祭以少牢酒飯而已當時

族黨並遵行之

吳志虞翻傳注

虞 曷

曷字世文翻第八子也少有倜儻之志仕吳黃門即以捷對見異超拜尙書侍中晉軍來伐遣曷持節都督武昌已上諸軍事曷先上還節蓋印綬然後歸順在濟陰抑強扶弱甚著威風

吳志虞翻傳注

賀 齊 子 達 景

齊吳志本傳云字公苗山陰人討建安賊洪明於蓋竹

戴凱之竹譜注

曷爲滅賊校尉御眾嚴而有恩兵器精飭爲當時冠絕

會稽典錄

卷下

五

四明叢書

約園刊本

早卒達頗任氣多所犯迂故雖有征戰之勞而爵位不至然輕財貴義膽烈過人子質位至虎牙將軍景子邵別有傳

吳志賀齊傳注

闕 澤

闕澤字德潤山陰人也

案吳志有傳

初呂一本傳姦罪發聞

有司窮治奏以大辟或以爲宜加焚裂

原作烈據本傳改

用彰

其惡吳王以聞澤澤曰盛明之世不宜有此刑遂從之

御覽六百三十六

吳 範

吳範

吳志本傳云字文則上虞人

與鄱陽太守魏騰少相友善騰嘗

有罪吳主怒甚敢有諫者死範謂騰曰與汝偕死騰曰

死無益何死爲範曰安能慮此坐觀汝耶乃髡頭自縛

詣閤下使鈴下以聞鈴下不肯曰必死不可範曰汝有

子耶

原奪此字據本傳補

曰有使汝爲吳範死汝子屬我鈴下曰

諾乃排閤入言未卒吳王大怒欲投以戟遂巡走出範

因突入叩頭流血言與涕并良久吳王意釋乃免騰御覽

六百四十九

魏騰

會稽典錄

卷下

六四明叢書

約園刊本

滕

吳志吳夫人傳注作騰御覽作勝盧明楷曰騰與滕音同勝則騰之譌耳

字周林文選陳孔璋檄

吳文作周榮

祖父河內太守朗字少英列在八俊滕性剛直

行不苟合雖遭困逼終不迴撓吳志吳範傳注初爲孫策功曹

以逆意見譴將殺之士大夫憂恐計無所出吳太夫人

乃倚大井而謂策曰汝新造江南其事未集方當優賢

禮士捨過錄功魏公曹在公盡規錢大昭三國志辨疑三云公曹當作功曹

因下文公字而誤

汝今日殺之則明日人皆叛汝吾不忍見禍

之及當先投此井中耳策大驚遽釋滕吳志吳夫人傳注御覽二百六

十四事類賦注入

歷歷山潘陽山陰三縣令梁章鉅三國志旁證三十云歷山當

作歷陽潘陽當作鄱陽吳
時無歷山縣潘陽縣也
鄱陽太守吳志吳
範傳注

謝承子崇勛

承字偉平案承山陰人見
吳志謝夫人傳博學洽聞嘗所知見終身不

忘子崇陽威將軍弟勛吳郡太守並知名吳志謝夫
人傳注

承遷吳郡督郵歲穰嘉禾六穗生於部屬初學記
二十七

任奕

任奕字安和句章人也爲人兒寢無威儀御覽三百八
十二 案奕

以文章著稱見朱育傳有任子十卷見意林餘無可攷
徐象梅兩浙名賢錄云任次龍名奕郡將蔣秀請爲功

曹謝去後歷官御史中丞是誤合任旭
任奕爲一也旭臨海人見晉書隱逸傳

會稽輿錄卷下 七四明叢書

約園刊本

虞俊

餘姚虞俊案俊字仲明
見邵員傳歎曰張惠恕才多智少華而不

實怨之所聚有覆家之禍吾見其兆矣諸葛亮聞俊憂

溫意未之信及溫放黜亮乃歎俊之有先見亮初聞溫

敗未知其故思之數日曰吾已得之矣其人於清濁太

明善惡太分吳志張
溫傳注

邵員

邵員字德方餘姚人與同縣虞俊鄰居員先不知俊十
餘年俊至吳與張溫朱據等會清談于雲溫等敬服於

是吳中盛爲俊談員聞而愧曰吾與仲明游居比屋曾不能甄其秀英播其風烈而令他邦稱我之傑

御覽四
百九十

謝淵 兄咨

謝淵字休德山陰人其先鉅鹿太守夷吾之後也世漸微替仕進不濟至淵兄弟一時俱興兄咨字休度少以質行自立幹局見稱官至海昌都尉淵起於衰末

御覽
五百

十少修德操躬秉耜耒旣無感容又不易慮由是知名舉孝廉稍遷至建武將軍雖在戎旅猶垂意人物

書鈔
六十

會稽典錄 卷下

入

四明叢書
約園刊本

四引已
上三句駱統子名秀被門庭之謗眾論狐疑莫能證明淵聞之歎息曰公緒早天同盟所哀聞其子志行明辨而被聞昧之謗望諸夫子烈然高斷而各懷遲疑非所望也秀卒見明無復瑕玷終爲顯士淵之力也

吳志陸
遜傳注

鍾離牧 子盛 徇

牧 吳志本傳云牧字子幹忠
陰人漢魯相意七世孫也父緒樓船都尉兄駟上計

吏少與同郡謝贊吳郡顧譚齊名牧童齒時號爲遲訥

駟嘗謂人曰牧必勝我不可輕也時人皆以爲不然

吳志

本傳注御覽
五百十六

高涼賊率仍弩等破略百姓殘害吏民牧越界討撲

云赤烏五年從郎中補

輔義都尉遷南海太守旬日降服又揭陽縣賊率曾夏

等眾數千人歷十餘年以侯爵雜繪千匹下書購募絕

不可得牧遣使慰譬登皆首服自改爲良民始興太守

芋道與太常滕胤書曰鍾離子幹吾昔知之不熟定見

其在南海威恩部伍智勇分明加操行清純有古人之

風其見貴如此在郡四年以疾去職

吳志本傳注

牧之在濡須

本傳云還爲丞相長史轉司直遷中書令出爲監軍使者討平建安郡陽新郡三郡

山民封秦亭侯拜越騎校尉永安六年爲平魏將軍領武陵太守平五谿遷公安督揚武將軍封都鄉侯徙濡

會稽典錄

卷下

九四明發書

須深以進取可圖而不敢陳其策與侍中東觀令朱育

宴慨然歎息育謂牧曰恨於策爵未副因爲牧曰朝廷

諸君以際會坐取高官亭侯功無與比不肯在人下見

顧者猶以於邑況於侯也牧笑而答曰卿之所言未獲

我心也馬援有言人當功多而賞薄吾功不足錄而見

寵已過當豈以爲恨國家不深相知而見害朝人是以

默默不敢有所陳若其不然當建進取之計以報所受

之恩不徒自守而已憤歎以此也育復曰國家已自知

侯以侯之才無爲不成愚謂自可陳所懷牧曰武安君

謂秦王云非成業難得賢難非得賢難用之難非用之
難任之難武安君欲爲秦王并兼六國恐授事不見任
故先陳此言秦王既許而不能卒隕將成之業賜劔杜
郵今國家知吾不如秦王之知武安而害吾者有過范
雎大皇帝時陸丞相討鄱陽以二千人授吾潘太常討
武陵吾又有三千人而朝廷下議棄吾於彼使江渚諸
督不復發兵相繼蒙國威靈自濟今日何爲常當有向
使吾不料時度宜苟有所陳至見委以事不足兵勢終
有敗績之患何無不成之有吳志本傳注

會稽典錄

卷下

十四明叢書

約圖刊本

朱育謂鍾離牧大皇帝以神武之姿欲得五千騎乃有
可圖今騎無從出而有進取之志將何計牧曰大皇帝
以中國多騎欲得騎以當之然吳神鋒弩射三御覽引一有四
字里貫洞至四馬御覽引作貫洞三四馬一作洞穿三馬騎敢近之乎御覽

三百又三百四
十八藝文六十

牧次子盛亦履恭讓爲尙書郎弟徇領兵爲將拜偏將

軍戍西陵與監軍使者唐盛論地形勢謂宜城信陵與

建平接

汲古閣本三國志作爲建平援嘉泰會稽志徇傳同

若不先城敵將先入

盛以施績留建平智略名將屢經於彼

錢大昕諸史拾遺一云陳景雲

曰建字衍因上有建平字而複出也留平見孫休傳平於永安六年以平西將軍率眾圍巴東數月乃還其經信陵者無云當城之者不然徇計後半年晉果遣修信

陵城晉軍平吳徇領水軍督臨陣戰死也

吳志牧傳注

卓恕

卓恕字公行上虞人恕爲人篤信言不宿諾與人期約雖遭暴風疾雨雷電冰雹無不必至嘗從建業還家辭太傅諸葛恪恪問何當復來恕答曰某日當復親覲至是日恪欲爲主人停不飲食以須恕至時賓客會者皆以爲會稽建業相去千餘里道阻江湖風波難必豈得

會稽典錄

卷下

十四明叢書

約園刊本

如期須臾恕至一座盡驚

御覽四百三十一又四百九

朱育

孫亮時有山陰朱育

番眉三國志攷證入云育字嗣卿見唐書藝文志

少好奇

字凡所特達依體像類造作異字千名以上

隋書經籍志云梁有

異字二卷朱育撰亡侯康補三國藝文志云汗簡屢引朱育集字或云集奇字或云集古字或云字略蓋皆出此書仕郡門下書佐太守濮陽興正旦宴見掾吏言次

問太守昔聞朱潁川問士於鄭召公韓吳郡問士於劉聖博王景興問士於虞仲翔嘗見鄭劉二答而未覩仲翔對也欽聞國賢思覩盛美有日矣書佐寧識之乎育

對曰往過習之昔初平末年王府君以淵妙之才超遷
臨郡思賢嘉善樂采名俊問功曹虞翻曰聞玉出崑山
珠生南海遠方異域各出珍寶且曾聞士人歎美

授英集引

作貴邦舊多英俊徒以遠於京畿含香未越耳功曹雅

好博古寧識其人耶翻對曰夫會稽上應牽牛之宿下
當少陽之位東漸巨海西通五湖南暢無垠北渚浙江
南山攸居實爲州鎮昔禹會羣臣以命之山有金木
鳥獸之殷水有魚鹽珠蚌之饒海嶽精液善生俊異是
以忠臣繼

集作係

踵孝子連閭下及賢女靡不育焉王府

會稽典故 卷下

十四 明 叢書

列國 列本

君笑曰地勢然矣士女之名可悉聞乎翻對曰不敢及
遠略言其近者耳往者孝子句章董黯盡心色養喪致
其哀單身林野鳥獸歸懷怨親之辱白日報讎海內聞

名昭然光著太中大夫山陰陳壽漁則化盜

藝文九十六引謝承

書云鷲少時於郭外水邊捕魚人有盜者置見避
於草中追以魚遺之盜慚不受自後無復取焉

居則

讓鄰感侵退藩遂成義里攝養車嫗行足厲俗自楊子
雲等上書薦之粲然傳世太尉山陰鄭公

案謂鄭弘

清亮質

直不畏疆禦魯相山陰鍾離意稟殊特之姿孝家忠朝
宰縣相國所在遺惠故取養有君子之譽魯國有丹書

之信

干寶搜神記云永平中意爲魯相到官出私錢萬三千文付戶曹孔訴修夫子車身入廟拭几席劍

履男子張伯除堂下草土中得玉璧七枚伯懷其一以六枚白意令主簿安置几前孔子教授堂下牀首有

縣齋意召孔訴問此何寶也對曰夫子獲也背有丹書人莫敢發也意曰夫子聖人所以遺獲欲以賜示後賢

因發之中得素書文曰後世修吾書董仲舒護吾車拭吾履發吾笥會稽鍾離意璧有七張伯藏其一意卽召

問璧有七何藏一及陳宮費齊皆上契天心功德治狀耶伯叩頭出之

記在漢籍有道山陰趙曄徵士上虞王充各洪才淵懿

學究道源著書垂藻駱驛百篇釋經傳之宿疑解當世

之槃結或上窮陰陽之奧祕下攄人情之歸極交趾刺

史上虞綦母俊拔濟一郡讓爵士之封

林寶元和姓纂云後漢綦母俊

會稽典錄

卷下

十三四明叢書

約圖刊本

爲會稽士簿因居焉歐大任百越先賢志二引黃恭交廣記云綦母俊會稽上虞人也少治左氏春秋永初中

舉孝廉拜左校令出爲交趾刺史元初三年合浦蠻夷反叛遣侍御史任連督州郡兵討之俊保障蒼梧乃往

戎行所向摧靡功當封賞上書歸功命使自謂致寇當誅安帝下詔美之

三世死義 論衡齊世篇云會稽孟章父英爲郡決曹掾郡將擢殺非辜事至覆敗英引罪自卒代

將死章後復爲郡功曹從役攻賊兵卒北敗爲賊所射以身代將死卒不去又御覽三百五十七引謝承書云

孟政字子節地皇六年爲府丞虞卿書佐時太守缺丞視事毗陵有賊丞討之未到縣道逢賊吏卒進散政

操刀楯與賊相擊丞得免難政死於路案地皇爲王莽年號當在孟英之先其後又有孟嘗爲漢循吏故范書

本傳云其先三世爲主簿句章梁宏功曹史餘姚駟勳郡吏並伏節死難也

主簿句章鄭雲皆敦終始之義引罪免居

范書陸績傳云楚王英謀

反陰疏天下善士事覺有太守尹典名乃與主簿梁宏
功曹史駟勳及掾史五百餘人詣洛陽詔獄就放諸吏
死者大半惟續宏勳掠攻五毒肌肉消爛終無撓辭
鄭雲已見上卷然謂獄死與此云引罪免居不同門

下督盜賊餘姚伍隆鄧原注莫侯反主簿任光章安小吏黃

他文選阮嗣宗勸進表注引謝承書云黃他求沒將投彰虜廷疑非一人身當白刃濟君

於難揚州從事句章王修委身授命垂聲來世河內太

守上虞魏少英遭世屯蹇忘家憂國列在八俊爲世英

彥尙書烏傷楊喬桓帝妻以公主辭疾不納范書楊璇傳云兄喬

爲尙書容儀偉麗數上書言政事桓帝愛其才貌詔妻以公主喬固辭不聽遂閉口不食七日而死近故

太尉上虞朱公案朱雋字公偉范書有傳天姿聰亮欽明神武策無

會稽典錄卷下十四四明叢書約圖刊本

失謨征無遺慮是以天下義兵思以爲首上虞女子曹

娥父湯江流投水而死立石碑紀炳然著顯王府君曰

是旣然矣潁川有巢許之逸軌吳有太伯之三讓貴郡

雖士人紛紜於此足矣翻對曰故先言其近者耳若乃

引上世之事及抗節之士亦有其人昔越王翳讓位逃

於巫山之穴越人熏而出之斯非太伯之儔耶且太伯

外來之君非其地人也若以外來言之則大禹亦巡於

此而葬之矣鄞大里黃公錢大昕三國志攷異三云陳留志夏黃公姓崔名廣字少

通齊人隱居夏里修道故號曰夏黃公仲翔以爲會稽
鄞人仲翔去西京未遠當得其實案晉書夏統傳載統

對賈充問會稽土地人物亦云其人循循猶有黃公之高節與虞君說同陳留志所記姓名里居並出方士妄作不據絜己暴秦之世高祖卽阼不能一致惠帝恭讓出

則濟難徵士餘姚嚴遵

錢儀吉三國志證聞下云遵字君平豈於先賢之名亦有誤乎

范史云一名遵亦惑於此語耳案錢氏蓋謂子陵當名光不名遵也然漢人往往有二名者無以決育之必誤

王莽數聘抗節不行光武中興然後俯就矯手

會稽續志引作

首不拜志陵雲日皆著於傳籍較然彰明

鄞大里黃公至此已上亦

見寶慶會稽續志七

豈如巢許流俗遺譚不見經傳者哉王府君

笑曰善哉話言也賢矣非君不著太守未之前聞也濮

陽府君曰御史所云旣聞其人亞斯以下書佐寧識之

會稽典錄 卷下

十五 四明叢書 約圖刊本

乎育曰瞻仰景行敢不識之近者太守上虞陳業絜身

清行志懷霜雪貞亮之信同操柳下遭漢中微委官棄

祿遁迹黔歛以求其志高邁妙蹤天下所聞故桓文遺

之尺牘之書比竟三高

案桓文下當有林字水經浙江水篇注云沛國桓儼避地會稽

聞業履行高潔往候不見後儼浮海南入交州臨去遺

書與業不因行李繫白樓亭柱而去范書桓榮傳云桓

曄字文林一名嚴亦見上卷業傳比竟三高未詳官本

三國志攷證云疑指上所引越王翳黃公嚴遵而言然

與業行迹不類恐非其聰明大略忠直審諤則侍御史餘姚虞翻

偏將軍烏傷駱統

案統字公緒吳志有傳

其淵懿純德則太子少傅山陰闕澤學通行茂作帝師儒其雄姿武毅立功當

世則後將軍賀齊勳成績著其探極祕術言合神明則

太史令上虞吳範其文章之士立言繁盛則御史中丞

句章任奕汲古閣本三國志作奕鄱陽太守章安虞翔各馳文檄

曄若春榮處士鄧盧敘弟犯公憲自殺乞代嘉定赤城志三十二

云鄧盧敘居章安錢大昕三國志攷吳三云鄧非會稽屬縣當是鄧字之譌乾道四明圖經亦以爲鄧人惟盧

作虞爲吳二字形相涉正史固多舛誤吳寧斯敦山陰圖經亦傳寫之本未能決其是非也

祁庚上虞樊正咸代父死罪應廷育金華先民傳云斯敦烏傷人父偉爲廷尉失

議當坐死敦叩闕泣血請以身代吳王嘉其孝赦偉罪仍旌其門俗因呼其葬處爲孝義墳其女則

松楊當作松陽今處州松陽縣也柳朱永寧瞿素官本三國志攷證云瞿一作瞿案藝

會稽典故 卷下 十六四明叢書 約園刊本

文三十五引皇甫謐列女後傳云會稽翟素受聘未及

配適遭賊欲犯之臨之以白刃素曰我可得而殺不可

得而辱素婢名青乞代素賊遂殺素復欲犯青青曰向

欲代素者恐被恥獲害耳今素已死我何以生爲賊復

殺之初學記御覽引或一醮守節喪身不顧或遭寇劫

亦並作翟翟字當誤賊死不虧行皆近世之事尚在耳目府君曰皆海內之

英也吾聞秦始皇二十五年以吳越地爲會稽郡治吳

漢封諸侯王以何年復爲郡而分治於此育對曰劉賈

爲荆王賈爲英布所殺又以劉濞爲吳王景帝四年濞

反誅乃復爲郡治於吳元鼎五年除東越因以其地爲

治并屬於此而立東部都尉後徙章安陽朔元年又徙

治郵或有寇害復徙句章

侯願後漢書補注續云宋書州郡志會稽東部都尉前漢

治郵後漢分會稽為吳郡疑都尉徙治章安也朱育言陽朔以前徙章安其說未可信陽朔成帝年號章安則

光武所置縣何得陽朔時已徙於此且章安即治更名郡尉即治治矣奚容更徙當以沈志為正至謂初治治

又徙句章或亦可到永建四年劉府君上書浙江之北與沈志參觀也

以為吳郡會稽還治山陰

案水經注云永建中陽羨周嘉上書以縣蓮赴會至難求

分置遂以浙江西為吳以東為會稽又以元和郡縣志云永建四年陽羨令周喜山陰令殷重上書求分為二

郡並與育說異自永建四年歲在己巳以至今今年積百二十九

歲府君稱善是歲吳之太平三年歲在丁丑育後仕朝

常在臺閣為東觀令遙拜清河太守加位侍中推刺占

會稽典錄

十七四明叢書

射文藝多通

吳志虞翻傳注孔延之會稽掇英總集二十又散見會稽三賦周世則注

賀邵

賀邵字興伯山陰人也

案吳志有傳注引吳書云賀邵齊之孫景之子為人美

容止御覽一作姿容正其衣冠尊其瞻視動靜有常與人交久

而藝文引作益敬之至在官府左右莫見其洗沐二字御覽引一作洗

坐常著屨希見其足御覽四百九又三百八十九又六百九十七書鈔一百三十六藝文

十七

夏方

夏方字文正

晉書孝友篇本傳云永興人

家遭疫癘父母伯叔一時

死凡十三喪方年十四晝則負土哀號莫則扶棺哭泣

比葬年十七

本傳云十有七載葬送得畢

烏鳥巢聚猛獸乳其側

九百十四

本傳又云吳時拜仁義鄉尉累遷五官中郎將吳平除高山令百姓有罪應加捶撻者方向之涕泣而不加罪大小莫敢犯焉在官

三年州舉秀才還家卒年八十七

夏香

夏香字曼卿永興人也爲農夫香挺然特立明果獨斷年十五縣長葛君出爲虛星會客飲宴時郡遭大旱香進諫曰昔殷湯遭旱以六事自責而雨澤應澍成王悔過偃禾復起先聖畏懼天異必思變復以齊民命今始

會稽典錄

卷下

十八

四明叢書
約園刊本

罹天災縣界獨甚未聞明達崇殷周之德臨祭獨歎百姓枯瘁神祇有靈必不享也百姓不足君孰與足宜當還寺長卽罷會身捐俸祿以贍飢民

藝文一百

香門側有大井旁設水盥

一作上

里有瓦盆中兒童各競飲水

一作

牛爭水共鬪香豫爲汲水多置器盥

一作盆器

由是無爭

專以德化香至四節先慶酌二親退齋酒肴勞問里中

父老以此爲常

御覽四百三又四百九十六

有盜刈其稻者香助爲收之盜者慚送以還香香不受

藝文八十五御覽八百三十九

香歷任邑長皆有聲績

會稽三賦
周世則注

張立

張立之爲人剛毅志意慷慨太祖嘗抑之曰爾不念詩書慕聖道而好乘汗馬擊劍此一夫之用何足貴也謂左右曰丈夫一爲衛霍將十萬馳沙漠驅戎狄立功建號耳何能作博士耶

御覽二百
七十六

朱朗

朱朗字恭明

會稽三賦周世
則注云永興人

父爲道士淫祀不法游在

諸縣爲烏傷長陳頽所殺朗陰圖報怨而未有便會頽

會稽典錄

卷

五十四明叢書

約園刊本

以病亡朗乃刺殺頽子事發奔魏魏聞其孝勇擢以爲

將

御覽四百八十三

案春秋之義當罪而誅不言於

報匹夫之怨止於其身今朗父不法誅當其辜而朗

之復讐乃及胤嗣漢季大亂教法廢壞離經獲譽有慚

德已豈其猶有美行足以稱紀傳文零散本未不具無

以攷嚴虞君之

對所未詳也

唐庠

唐庠字漢序三國鼎峙年興兵革士以弓馬爲務家以

蹴踘爲學於是名儒洪筆絕而不續

御覽七百
五十四

張諛

張諛字彥承上虞人也與同鄉丁孝正相親葬送過制

諛善難之曰吾聞班固善陽孫之省葬惡始皇之飾終
夫保以矯世君子弗爲若乃據周公之定品依延州而
成事取中庸以建基獲美稱於當世不亦優哉御覽五百五十六

虞倫

虞倫字孝緒餘姚人也與駱瑗爲彈冠之友御覽四百九

曹娥

孝女曹娥者上虞人父盱能撫節按歌婆娑樂神漢安

二年五月五日於縣江七字據藝文引補迎伍君神沂濤而上

會稽典錄

卷下

二十四明叢書

約園刊本

爲水所淹不得其尸娥年十四號慕思盱乃投瓜於江

存其父尸曰父在此瓜當沈旬有七日瓜偶沈娥年十四至此

已上藝文御覽引並作緣遂自投於江而死三日後與

父尸俱出二句據陳元觀歲時廣記二十三引補事類賦注四引作數日抱父尸出范書本傳不載

縣長度尙悲憐其義爲之改葬命其弟子邯鄲子禮爲

之作碑世說新語捷悟篇注藝文四御覽三十一嘉泰會稽志十

上虞長度尙弟子邯鄲淳字子禮時甫弱冠而有異才

尙先使魏朗作曹娥碑文成未出會朗見尙尙與之飲

宴而子禮方至督酒尙問朗碑文成未朗辭不才因試

使子禮爲之操筆而成無所點定期嗟歎不暇遂毀其
草其後蔡邕又題八字曰黃絹幼婦外孫齋曰後漢書
本傳注

孟淑

孟淑上虞人也父質中郎將淑年十七當出適聘禮既
至爲盜所劫淑祖父操刃對戰不敵見害淑思慕哀慟
憔悴毀形以致盜由已乃喟然歎曰微淑之身禍誠不
生以身害祖苟活何顏於是遂自經而死御覽四百
四十一

彭山

彭祖所隱居之城會稽三賦
周世則注

會稽典錄卷下

三十四明叢書
綉園刊本

驃騎山

張意漢世祖時爲驃騎將軍子齊方四明志
引作芳歷中書郎
李慈銘越縠堂日記云中書郎魏吳始有之東漢止
有尙書郎且少二字名濟芳之名不似當時人也曾
隱於此山因名輿地紀勝十一寶慶四明
志十六延祐四明志七

女几山

葛仙翁於女几山憑白桐木几學道數十年白日登仙
几化爲白麕御覽引
作白虎三脚兩頭人往往見之事類賦注
十四御覽

七百
十

散句

吞舟之魚不啖鰕蟹熊虎之爪不剝狸鼠

傳臆蟹譜上

江東五僞

史通採撰篇云江東五僞始自會稽典錄案

鴻吳郡顧榮會稽賀循齊名號爲五僞亦見御覽四百

九十五又四百四十三引晉中興書五人皆與虞君同

時則典錄所載且下及於並世矣

李陵

古今同姓名錄云七李陵一出會稽典錄

會稽典錄 卷下

三

四明叢書

約園刊本

會稽典錄存疑

陳囂

陳囂字君期京師諺語曰關東說詩陳君期

書鈔一百引典錄案

山陰陳囂字子公已見上卷又朱肯述虞翻對王朗問亦不云治詩疑有誤

沈豐

沈豐字聖通會稽烏程人永平中為郡主簿遷零陵太守為政慎刑重法罪人詞訟初不歷獄嫌疑不決一斷於口鞭撲不舉市無刑戮僚友有過亦不暴揚有善必述曰太守所不及也在官七年建初間有紫芝甘露之

會稽典錄存疑

一四明叢書約園刊本

瑞論者以為皆豐治化之應也

出歐大任百越先賢志三注云據會稽典錄楚

紀參修案永建以前吳會雖未分而浙江以西土女典錄不載虞翻朱育對亦不及之歐氏蓋本謝承書及東觀記見藝文九十八御覽十二又二百六十引非出典錄

賀純

賀純字仲真會稽人先慶氏也少即博極羣藝十辟公

府三舉賢良不至後徵拜議郎侍中時避安帝父諱改

姓為賀數陳災異上便宜數十事多見省納遷江夏太

守徐州牧齊中書令邵皆其後也

出百越先賢志三注云據會稽典錄元和

姓纂參修案姓纂云後漢慶儀為汝陰令慶普之後也曾孫純避漢安帝父諱始改賀氏孫齊吳大將軍齊孫

中書令劾典錄未見他書稱引唯范書李固傳注引謝承書與沈賢志餘語多可疑卽歐氏所本

沈震

沈震字彥威烏程人十歲遭飢荒忽中夜有人告震曰西籬下地中有米五十石可供養旦夕卽掘之果獲焉

御覽四百十一案御覽引此條次典錄虞國之後題云又曰沈震云云疑本是別書因其前闕失數行遂與典錄相附

會稽典錄 存疑

二四明叢書
約圖列本

會稽典錄存疑

周輯會稽典錄校勘記

慈谿馮貞羣撰

卷上

范蠡

本是楚宛三戶人

宋本御覽無是字書鈔同人下有也字

復遣使奉謁

使當從史記正義作更與下吏還合

使還書鈔作使謁還

內懷獨見之明宋本

御覽作內有

計倪

宋本御覽此條作會稽典錄

責人所重也

宋本御覽人作士

校勘記

一四明叢書

約園刊本

鄭吉

威鎮西域

宋本御覽鎮作震

遂并護車師以西北道

宋本御覽作日

遂并護車以北道

陳囂

伯夜竊蠶地自益

宋本御覽作竊藩蠶地是也

以益伯

宋本御覽作以地益

伯

伯覺之慚懼

宋本御覽懼作惶

同郡車姬

宋本御覽郡作縣

囂以車姬有財

宋本御覽財下有產字

乃若於長者

宋本御覽者作諂

甚宜

宋本御覽甚作其

以供肴膳

宋本御覽肴作餼

皆免其奴

宋本御覽免作勉

財物付與姬內外

宋本御覽外下有宗族二字是也

以

值柳中

宋本御覽
值作置

薦糶待義

宋本御覽作
德義是也

時年已

七十

宋本御覽
年已乙

上每待以師傅之禮

宋本御覽
每作常

嚴光

建武六年

明嘉靖銅活字本
藝文類聚作五年

下詔徵遵

陶珽本說郭
詔徵遵作詔

召

莫留宿書鈔作
夜留宿

客星犯天子座甚急

陶本說郭
座作宿嘉

靖本類聚
同書鈔同

鍾離意

郡署意

宋本御覽作
郡署鍾離意

常以稍米粟給烈妻子

宋本御覽以稍

乙

輒追計值宋本御覽
值作直

烈兒長大訟

宋本御覽作
長大訟常

校勘記

二四明叢書
約園刊本

烈孫男兒遭飢常賴升合

宋本御覽作烈孫
兒遭饑賴常升合

常身

為伯父

宋本御覽伯
父作遺父

懷姦挾私

宋本御覽作
懷挾姦路

請常

俾烈妻子

宋本御覽
作常伍

意為堂邑令

初學記
作棠邑

房廣痛

之宋本御覽無房
字初學記同

意為之悽惻

初學記
作悽愴

卽自詣獄

初學記
作遺獄

發電電之威

宋本御覽作
雷霆是也

鄭弘

註一作守陽羨君

陶本說郭
作守楊羨

鄉民有弟用兄錢者

陶本

說郭鄉
作縣

未還陶本說郭
作未還之

遣其婦

陶本說郭
遂遣其婦

弘

不受

陶本說郭未增也
字宋本御覽同

愚聞兩虎共鬪

宋本御覽
共作俱

太守不能也

宋本御覽不
上有所字

弘爲鄒令

明嘉靖活字本
藝文類聚柳作

鄒下

舊典耶秩滿

宋本御覽作舊典科
郎藝文作尚書郎

盛吉

歷不服

宋本御覽作
歷是也

遺精能掾吏

宋本御覽
吏作屬

安徐

以情實告

宋本御覽作
情實無告字

吉性多仁恩

宋本御覽初學
記均作性多哀

憐

若無繼嗣

宋本說郭作
記同宋本

御覽作其囚無後嗣者初學

天

下稱其有恩

陶本說郭作
稱有恩也

孟英

爲郡掾吏

宋本御覽
作掾史

骨肉皆消爛

宋本御覽無
骨字是也

核勘記

三四明發書
約圖刊本

孟嘗

縣不斷理結

宋本御覽
作理斷

遂具獄文書

宋本御覽作遂
抱其獄文書

誅姑女

宋本御覽作
誅姑之女

丹如言天應時雨注

宋本御
覽作如

其言天
應雨注

梁宏

興在數中

宋本御覽
數作疏

掠毒慘至

宋本御覽
慘作備

謝夷吾

上未見刺史班秩

宋本御覽
作未常見

見長吏勿廢舊儀

宋本
御覽

見作
誠

上臨西廂南面

宋本御覽
臨作林非

夷吾處東分推以

其事

宋本御覽作處東分惟以其中

有亭長姦部民妻者

宋本御覽無妻字

上意以為吏劫民

宋本御覽劫作姦

觀刺史決當云伺

宋本

御覽作且觀

切讓三老孝弟亭長罪

宋本御覽作孝弟免長罪

有發

掘露體之禍

宋本御覽體作骸

董昆

書鈔作黃昆董黃形近而訛

治律

宋本御覽作治律令

本學法令

宋本御覽法作律

刺史學律令

猶不及

宋本御覽無令字

王充

為兒童

宋本御覽作為兒童遊戲

校勘記

四四明叢書

董黯

董黯字孝治

宋本御覽無黯字二字西百八十三同下引

母甚肥說

宋本御覽

說作悅

母甚瘦小

宋本御覽無小字

疾黯母肥

宋本御覽黯母作孝治母

同下

高豐

為鄧縣獄

宋本御覽作獄吏

自請見日

宋本御覽請作詣

當縣縣

而至

宋本御覽而作乃

鄧縣非漢地乎

宋本御覽縣作獄

楊喬

不避車

宋本御覽作車又下

以為知丞即應行

宋本御覽作知丞郎

戴就

乃以鍼刺就十手指甲

宋本御覽作手十

肘腋肉焦爛墜地

宋本御覽作肘腋肉焦爛肉墜地

安乃覆就於船兩頭燒馬糞於船

兩頭宋本御覽作安乃覆就於船兩頭發船視之
宋本御覽船作舡

周規

字公圖

宋本御覽作公圖

規諫

宋本御覽作諫曰

敕除道路

宋本御覽

作敕縣除道路

徐以責督郵

書鈔郵作刺

陳脩

字奉遷

宋本御覽作奉先

常步儋上下

書鈔二十八儋作擔

性情潔

核勘記

五四明叢書約圖刊本

恭儉

宋本御覽情作清

不然官薪

宋本御覽然作燃書鈔同

布被覆形

書鈔形作身

沈勳

明日夜

宋本御覽無夜字

盜者慚懼

宋本御覽慚作愧

魏朗

上虞人

宋本御覽作會稽人

轉功曹佐

書鈔佐

與掾史上朝

書鈔史作吏誤

陳業

御覽四百二十一引會稽先賢傳陳業事曰陳業字文理

遺書與業

嘉靖本藝文類聚作與業曰

曰從容養高

嘉靖本藝文類聚作日從

高容養

駱俊

身損俸祿宋本御覽損作捐

民產有子宋本御覽作民有產子

虞國

爲日南太守宋本御覽爲上有後字九百十七卷無後字

宿止廳事上宋本御覽作

御覽作止宿每出行宋本御覽行下有縣字藝文司

輒飛逐車宋本御覽車上

有其字鴈逐喪宋本御覽作鴈遂哀鳴

住墓前宋本御覽住作於

盛憲子匡

融時年十餘歲宋本御覽無融時二字

與融談宋本御覽談下有宴字

校勘記

六四明叢書約園刊本

以賀母宋本御覽作拜母書鈔作以賀其母

惟會稽盛孝章尚存元池州本國志有惟字公誠能持一介之

使持池州本國志亦作馳或能譏平孝章池本國志平字有注皮柄反三字

徐弘

爲汝陰令陶本說郭作山陰縣令古謠諺引同商旅路宿路古謠諺作露

姦

宄室陶本說郭作姦宄空古謠諺同是也宋本御覽亦作空藝文同

陳瑞

輒以拊顙以謝之宋本御覽顙作頰

伍賤

失其官穀簿領宋本御覽作失去官 賤爲執算檢校相當宋本御覽

筆作執

張京

各給牛車宋本御覽作車牛 京所載之宋本御覽所作以

卷下

丁覽子固

此兒後必至公輔池州本國志至作致

徐陵

元大受上卿之位池州本國志位作遇

校勘記

七四明叢書

約園刊本

虞汜

迎立琅邪王休池州本國志邪作那 擅廢立之威將上安宗廟

池州本國志將作勢 俱爲散騎常侍池州本國志作散騎中常侍

虞曷

曷字世文池州本國志作子文非

賀齊子達景

註山陰人下宜增封山陰侯累遷後將軍假節領徐州牧子達及景皆有令名爲佳將二十七字

闕澤

呂一宋本御覽一作壹 吳王以闕澤宋本御覽聞作問是

吳範

安能慮此坐觀汝邪宋本御覽無觀字

鈴下不肯宋本御覽肯作敢

吳王大怒宋本御覽王作主是也與上合

魏滕

雖遭困逼池州本國志逼作偪以廷意見譴宋本御覽廷作忤譴作遣而

謂策曰宋本御覽謂作語魏公曹在公盡規池州本國志作功宋本御覽同

錢大昭辨疑可刪遠釋滕吳志此下有夫人智略權謠類皆如此句

虞俊

張惠恕才多智少張惠恕下宜增註吳志張溫傳溫字惠恕吳郡吳人以輔義中郎將使蜀

校勘記

八四明叢書

還權既陰銜溫稱美蜀政又嫌其聲名大盛眾庶炫惑恐終不為己用思有以中傷之會稽豔事起遂因此發舉溫宿與豔同意數交書疏往還即罪溫幽之有司

邵員

曾不能甄其秀英宋本御覽秀英作英秀

謝淵兄咨

仕進不濟宋本御覽濟作繼少修德操躬秉耜耒既無感容

國志注耜耒作耜是也宋本御覽作兄弟修德貧無感容歷位建威將軍

字公緒會稽烏傷人封新陽亭侯為濡須督年三十六黃武七年卒

鍾離牧子盛 徇

牧牧字子幹御覽五百十六引典錄文

牧越界討撲池州本國志作撲討

育謂牧口池州本國志作曰非恐授事不見任池本國志作而不見任增

而字朱育謂鍾離牧宋本御覽牧作曰乃有可圖宋本御覽作可有

而有進取之心宋本御覽而有作而懷然吳神鋒弩射三里

貫洞至四馬宋本御覽無然字里上有四字至下有三字

卓恕

上虞人陶珽本說郭人下有也字與人期約陶本說郭作相期約無不必

至陶本說郭作無不至者以須恕宋本御覽作候恕道阻江湖陶本說郭

校勘記

九四明叢書

約圖刊本

阻作隔

朱育

太守濮陽興吳志濮陽興傳云興至子元陳留人也孫權時除上虞令稍遷至尚書左曹以五官

中郎將使蜀還為會稽太守是以忠臣繼踵池州本國志繼作係絜已暴

秦之世池州本國志絜作潔志陵雲日掇英集陵作凌亞斯以下池本

國志以作已上虞陳業李恣銘曰嘉泰會稽志引會稽先賢錄之陳業與三國志引會稽典

錄及水經漸水篇注為兩人誤矣絜身清行池本國志絜作潔

因以其地為治治當作治近刻國志均誤作治到

永建四年掇英集引無吳之太平三年歲在丁丑案紀

元編丁丑爲
太平二年

賀邵 宋本御覽藝文書鈔
會稽先賢傳均作劭

夏方

字文正 涵芬樓本說郛引作字文公疑非陶要
本說郛亦作文正宋本御覽作文昌 莫則

扶棺哭泣 宋本御覽
莫作暮

夏香

先聖畏懼天異 涵芬本說郛引作自古先聖增自
古二字陶珽本同藝文亦有自古 必

思變復 變復陶本說
郛作過字 臨祭獨歎 涵芬本說郛臨祭
作欲宴陶本同

宜當還寺長即罷會 涵芬本說郛寺作守
陶本寺長作縣番 身捐俸祿 涵芬

校勘記

十四明據書
約園刊本

本說郛
捐作損 以贍飢民 涵芬本說郛飢
民乙陶本同

旁設水盥 宋本御覽盥
作瓮下同 各競飲水 宋本御覽
水作牛

朱朗

事發奔魏 宋本御覽發下
有亡命二字

唐庠

年興兵革 宋本御覽
兵作金

曹娥

孝女曹娥者 陶本說郛藝文類聚孝女
作孝子者下有會稽二字 父盱能撫節

按歌 陶本說郛作父
能絃歌爲巫 漢安二年 陶本說郛安
下有帝字 於縣

江迎伍君神沂濤而上爲所淹不得其尸

陶本說邪迎伍君神作迎

波神溺死不得尸骸宋本御覽作於縣沂江濤迎婆娑神溺死不得尸骸

娥年十四

宋本御覽

四下有

爲之改葬二句

宋本御覽作改葬娥於道傍爲立碑焉

女几山

葛仙翁

宋本御覽翁作公

存疑

沈震

忽中夜

宋本御覽作夜中

註案御覽引此條次典錄虞國之

後

宋本御覽亦次虞國後

校勘記

十一

四明叢書約園刊本

又補輯一人

賀循

賀循字彥先拜太常時宗廟始建舊儀多闕或以惠懷

二帝應各爲世事下太常循議以禮兄弟不相爲後不

得以承代爲世

書鈔五十三引晉中典書會稽錄

循拜太常每存問議先朝舊事以此比校循所奏絕不

符同朝野咸歎循之淵學也

同上

周輯會稽典錄校勘記